



জাবিতে ভিসির পদত্যাগ দাবিতে অবরোধ ও পরিবহন ধর্মঘট

প্রকাশিত: ০৩ - অক্টোবর, ২০১৯ ১২:০০ এ. এম.

- বিরোধীপক্ষের মানববন্ধন

জাবি সংবাদদাতা ॥ জাহাঙ্গীরনগর বিশ্ববিদ্যালয়ে (জাবি) উপাচার্যের পদত্যাগ দাবিতে বুধবার অবরোধ ও পরিবহন ধর্মঘট পালিত হয়েছে। এদিকে উপাচার্য অনুগত শিক্ষকরা চলমান আন্দোলনের বিরোধিতা করে মানববন্ধন কর্মসূচী পালন করেছে। উপাচার্যের বিরুদ্ধে ছাত্রলীগ নেতাদের বড় অঙ্কের টাকা দেওয়ার বিষয়ে তদন্তসহ তিন দফা দাবিতে সাধারণ শিক্ষক শিক্ষার্থীরা ‘দুর্নীতির বিরুদ্ধে জাহাঙ্গীরনগর’ ব্যানারে আন্দোলন করে আসছে গত ১ মাসেরও বেশি সময় ধরে। উপাচার্যকে দেয়া নির্দিষ্ট সময়ের মধ্যে পদত্যাগ না করায় আন্দোলনকারীরা ২ ও ৩ অক্টোবর সর্বাত্মক ধর্মঘটের ডাক দেন। ২ অক্টোবর এ কর্মসূচীর অংশ হিসেবে শিক্ষার্থীরা বিশ্ববিদ্যালয়ের পরিবহন চত্বরে শিক্ষক বাস আটকে দেন এবং পুরনো রেজিস্টার ভবন থেকে বিক্ষোভ মিছিল করেন। এছাড়া সকাল ৮টা থেকে বিকাল ৪টা পর্যন্ত সর্বাত্মক ধর্মঘট পালন করা হয়। এ বিষয়ে আন্দোলনরত শিক্ষার্থী শোভন রহমান জানান, ‘উপাচার্য যদি তাকে দেওয়া অল্টিমেটামের মধ্যেই পদত্যাগ করতেন তাহলে এ ধর্মঘটের প্রয়োজন হতো না। এরপরেও যদি তিনি পদত্যাগ না করেন তবে আরও কঠোর কর্মসূচী দেয়া হবে।’ এদিকে মঙ্গলবার দুপুর দেড়টায় এক সংবাদ সম্মেলনে উপাচার্য ড. ফারজানা ইসলাম বলেন, ‘আমার বিরুদ্ধে ওঠা অভিযোগের বিচার বিভাগীয় তদন্তের যে দায়দায়িত্ব আমাকে আন্দোলনকারীরা দিয়েছে, সেটি অযৌক্তিক।

সম্পাদক, মুদ্রাকর ও প্রকাশক: মোহাম্মদ আতিকউল্লাহ খান মাসুদ (এম এ খান মাসুদ), উপদেষ্টা সম্পাদক: তোয়াব খান, নির্বাহী সম্পাদক: স্বদেশ রায়। সম্পাদক কতৃক গ্লোব জনকণ্ঠ শিল্প পরিবার-এর সদস্য প্রতিষ্ঠান যথাক্রমে গ্লোব প্রিন্টার্স লি: ও জনকণ্ঠ লি: থেকে মুদ্রিত ও প্রকাশিত। রেজি: নং ডিএ ৭৯৬। কার্যালয়: জনকণ্ঠ ভবন, ২৪/এ রাশেদ খান মেনন সড়ক, নিউ ইস্কাটন, জিপিও বাস: ৩৩৮০, ঢাকা, ফোন: ৯৩৪৭৭৮০-৯৯ (অটোহান্ডিং ২০ টি লাইন), ফ্যাক্স: ৯৩৫১৩১৭, ৮৩১৬৩৩৫, ই-মেইল: janakanthanews@gmail.com ওয়েবসাইট: www.dailyjanakantha.com এবং www.edailyjanakantha.com ॥ Copyright © All rights reserved by dailyjanakantha.com

